

廣博物志卷之二十一

隴西里斯張纂

太原王稭登訂

高逸

嵇康高士傳其所載者廣矣而顏回蘧瑗獨不見書蓋以二子雖樂道遺榮安貧守志而拘忌名教未免流俗也

史通

巢父許由樊豎相反由居沛澤其道日光堯朝焉而遁之父適聞之洗耳於潁豎方飲其牛乃

毆而還

路史○又西湖遊覽志云許由隱
林山稽齒峰者卽其遺蹟也

許由不受堯之天下逃諸逆旅逆旅人疑其竊

皮冠伯夷叔齊適周周使叔旦往見之曰加富

二等就官一列血牲而盟之二子相視而笑

齊桓之興而少稷高枕於陋巷

抱朴子

平公與亥唐坐有間亥唐出叔向入公伸一足

曰吾向時與亥子坐腓痛足痺不敢伸叔向不

亡公曰子欲貴乎吾爵子欲富乎吾祿子夫亥

吾非正坐無以養之子何不悅

平 嵇康高士傳

孔子之楚舍於蟻丘之漿其鄰有夫妻臣妾登
極者子路曰是褻褻何爲者耶仲尼曰是聖人
僕也是自埋於民自藏於畔其聲銷其志無窮
其口雖言其心未嘗言方且與世違而心不屑
與之俱是陸沈者也是其市南宜僚耶子路請
往召之孔子曰已矣彼知丘之著於已也知丘
之適楚也以丘爲必使楚王之召已也彼且以
丘爲佞人也夫若然者其於佞人也羞聞其言

而况親見其身乎而何以爲存子路往視之其

室虛矣

莊子

陸通字接輿與妻俱隱蜀蛾眉諸名山食菌櫨

實服黃精俗傳以爲僊

高士傳

楚狂士陸通高卧松間以受霞氣幘挂松頂有
鶴銜去水濱通洗之因與鶴同去

莊周隱于山岳齊湣王遣使齎金百鎰聘以相

位周謝使者去引聲歌曰天地之道近在胸臆

呼噏精神以養九德渴不求飲饑不索食避世

守道志潔如玉卿相之位難可直當巖巖之石
幽而清涼枕塊寢處樂在其央寒涼固回可以

久長

琴操

公儀潛者魯人也與子思爲友穆公因子思而
致命欲以爲相子思曰公儀子此所以不至也
君若饑渴待賢納用其謀雖蔬食飲水伋亦願
在下風如以高官厚祿爲釣餌而無信用之心
公儀子智若魯者可也不爾則不踰君之庭且
臣不佞又不能爲君操竿下釣以傷守節之士

潛竟終身不屈

上

野老六國時人游秦楚間年老隱居著書言農

家事因以爲號

真隱傳

嶠以西有二石又南五六步臨溪有恬漠先生

翼神碑蓋隱此山也

水經註

鄭長者隱德無名著書十篇言道家事韓非稱

之世傳是長者之辭因以爲名

袁叔真
隱傳

漢袁良碑云當秦之亂隱居河洛高祖破項實

從其冊天下既定還宅扶藥

集古錄

鵲冠子常居深山耳聾謂妻子曰吾免爲巢由

洗耳清溪

老萊子親歿隱蒙山之陽枝木爲牀薦艾爲席

高士傳

東門先生居蓬戶空穴之中而魏公子一朝以

百騎造之

東方朔傳

鬼谷先生者古之真仙也云姓黃氏自軒轅之
代歷於商周隨老君西化流沙泊周末復還中
國居僕濱鬼谷山受道弟子百餘人惟張儀蘇

秦不慕神仙好縱橫之術時王綱頽弛諸侯相
征陵弱暴寡干戈雲擾二子得志肆唇吻於戰
國之中或遇或否或屯或暴以辯譎相高爭名
貪祿無復雲林之志先生遺儀秦書曰二君足
下功名赫赫但春到秋不得久茂日旣將盡時
旣將老君不見河邊之樹乎僕馭折其枝波浪
激其根此木非與天下人有仇怨所居者然也
子不見嵩岱松栢華霍之樹上葉凌青雲下根
通三泉上有玄狐黑猿下有豹隱龍潛千秋萬

歲不逢斤斧之悲此木非與天下人有骨肉蓋
所居者然也今二子好雲路之榮慕長久之功
輕喬松之永延貴一夕之浮爵痛哉悲夫二君
痛哉悲夫二君儀秦答書曰先生秉德含弘饑
必噉芝英渴必飲玉漿德與神靈齊明與三光
同不忘賜書戒以貪味儀以不敏名聞不昭入
秦匡霸欲翼時君刺以河邊喻以深山雖素空
闇誠銜其旨儀等曰偉哉先生玄覽遐鑒興亡
皎然二子不能抑志退身甘蓼蟲之樂棲竹葦

之巢自掇泯滅悲夫痛哉

錄異記

韋庾字宣明襄邑人也嘗居園中故世謂之園公與河內軹人角里先生綺里季夏黃公爲友皆修道潔已非義不踐當秦末入商洛山隱居自娛

陳留志

建成侯招四皓委髮蛻卧詳憊不屬曰老臣不足以辱太子使者庶無所之長安千里而遙老臣固道路之遺骨也且焉敢以子先父也使臣三請不可乃反建成侯憂曰若之何更見留使

歲不逢斤斧之悲此木非與天下人有骨血蓋
所居者然也今二子好雲路之榮慕長久之功
輕喬松之永延貴一夕之浮爵痛哉悲夫二君
痛哉悲夫二君儀秦答書曰先生秉德含弘饑
必噉芝英渴必飲玉漿德與神靈齊明與三光
同不忘賜書戒以貪味儀以不敏名聞不昭入
秦匡霸欲翼時君刺以河邊喻以深山雖素空
闇誠銜其旨儀等曰偉哉先生玄覽遐鑒興亡
皎然二子不能抑志退身甘蓼蟲之樂棲竹葦

之巢自掇泯滅悲夫痛哉

錄異記

韋庾字宣明襄邑人也嘗居園中故世謂之園公與河內軹人角里先生綺里季夏黃公爲友皆修道潔已非義不踐當秦末入商洛山隱居自娛

陳留志

建成侯招四皓委髮蛻卧詳憊不屬曰老臣不足以及辱太子使者庶無所之長安千里而遙老臣固道路之遺骨也且焉敢以子先父也使臣三請不可乃反建成侯憂曰若之何更見留使

不惠居於可否之間

高士傳

鄭樸字子真隱於谷口高節不屈耕於巖石之

下名震京師時人因子真所居名爲鄭泉

雲間官記

王玄隱侯山景帝再徵不屈就其山封侯因名

侯山

摯峻字伯陵京兆長安人少治清節與太史令

司馬遷交好峻獨退脩身德隱於阡山遷旣清

貴乃與書勸峻峻報書曰峻聞古之君子料能

而行度德而處故悔恡去於身利不可以虛受

名不可以苟得漢興以來帝王之道於斯世顯
能者見利不肖者自屏亦其時也周易大君有
命小人勿用峻欲偃仰從容以送餘齒耳峻遂
高尚不仕卒於阡山阡人立祠號曰阡君

高士傳

巖下老人者不知何許人漢武帝南巡狩過潯
陽詔舉逸民時老人澹然處於巖下左右強以
應詔老人曰堯仁如天孤雲自飛一水一石臣
之樂也帝曰卿不願仕耶對曰束身王朝其如

北山之雲何

南康志

成公成帝時人自隱姓名常誦經不交世利時
人號曰成公成帝出遊問之成公不屈節上曰
朕能富貴人能殺天子何逆朕成公曰陛下能
貴人臣能不受陛下之官陛下能富人臣能不
受陛下之祿陛下能殺人臣能不犯陛下之法
上不能折使郎二人就受政事十二篇

高士傳

張楷字公超隱華山谷中能爲五里霧有玉玦
金匱之學坐在立亡之道人學其術者填咽如
市故云霧市嘗跨驢至雲夢縣賣藥今縣有會